

CONVENIO DE COLABORACIÓN ENTRE A EXCMA. DEPUTACIÓN PROVINCIAL DE PONTEVEDRA E O EXCMO. CONCELLO DE MEIS PARA A EXECUCIÓN DO “PROXECTO DE MELLORADA MOBILIDADE PEONIL NA E.P. 8004 CALDAS – VILANOVIÑA, DO PQ. 7+650 AO PQ. 8+050”

#### INTERVEÑEN

*María del Carmen Silva Rego, na súa condición de presidenta da Deputación de Pontevedra, actuando en virtude da competencia que lle atribúe o artigo 34.1.b) da Lei 7/1985, de 2 de abril, reguladora das bases do Réxime local.*

*Marta Giráldez Barral, alcaldesa do Concello de Meis, no exercicio das competencias que lle atribúe o artigo 21.1.b) da Lei 7/1985, de 2 de abril, reguladora das bases do Réxime local.*

*Carlos Cuadrado Romay, secretario xeral da Deputación Provincial de Pontevedra, dando fe da formalización.*

*Ambas partes recoñécense con capacidade para formalizar o presente convenio, en base ós principios de colaboración, cooperación, coordinación e eficacia que deben presidir as actuacións das Administracións Públicas.*

#### MANIFESTAN

*I.- Que os convenios entre as Administracións Públicas constitúen o instrumento adecuado para desenvolver a súa cooperación en cuestións de interese común, tal como establecen os art. 47 e seguintes da Lei 40/2015, de 1 de outubro, de réxime xurídico do sector público, 57 da Lei 7/85, de 2 de abril, reguladora das bases do réxime local e 198 e seguintes da Lei 5/97, de 22 de xullo, de Administración Local de Galicia.*

*II.- Que a Deputación de Pontevedra, está concienciada sobre a necesidade de aumentar a seguranza viaria en toda a rede de estradas da provincial, facendo especial fincapé nos tramos que transcorren por espazos urbanos ou núcleos rurais dos distintos concellos, dando cumprimento a asistencia que debe prestar segundo disposto no artigo 36 da Lei 7/85, de 2 de abril, reguladora das bases de réxime local. Por ese motivo, o organismo provincial quere levar a cabo intervencións neste senso no seu propio viario e está a facer una replanificación profunda e conceptual das actuacións en materia de mobilidade, con especial fincapé na protección dos colectivos máis vulnerables: peóns, ciclistas e persoas con mobilidade reducida. O obxectivo é conformar un contorno viario seguro e tranquilo, fomentando a convivencia de todos os medios de transporte e sistemas de desprazamento, así como repartir de xeito equitativo o espazo público. Quérese garantir que vías provinciais ofrezan unha mobilidade universal nun espazo continuo de seguranza viaria.*

*III.- Que segundo dispoñen os artigos 26.1 da Lei 7/1985, de 2 de abril, reguladora das bases do réxime local e 81 da Lei 5/1997, de 22 de xullo, de Administración Local de Galicia, os municipios deberán prestar ós seus cidadáns, determinados servizos públicos en función da súa poboación.*

*IV.- Que o artigo 36 da Lei 7/1985 e os artigos 109 e 110 da Lei 5/1997 encomendan ás deputacións a que dirixan a súa actividade a asegurar a prestación integral e adecuada dos servizos de competencia*



*municipal, a tal efecto, e co fin de posibilitar a consecución real e efectiva dos mesmos, é polo que se instrumenta o presente convenio dirixido ó cumprimento das obrigacións establecidas pola normativa vixente.*

*V.- A Deputación de Pontevedra é titular da estrada provincial E.P. 8004 Caldas – Vilanoviña, que transcorre polo Concello de Meis.*

*VI.- Actualmente o treito da estrada obxecto da actuación presenta problemas de seguridade viaria e mobilidade peonil debido á falta de sendas ou beirarrúas para a circulación peonil e dos colectivos máis vulnerables, que prexudican as condicións de mobilidade dos mesmos. Cabe salientar ademais que no ámbito da obra atópanse numerosas vivendas e servizos ao longo da estrada polo que se estima unha intensidade de circulación de peóns significativa. Por este motivo, a Deputación de Pontevedra decide redactar o proxecto de “MELLORA DA MOBILIDADE PEONIL NA EP – 8004 CALDAS –VILANOVIÑA, DO P.Q. 7+650 AO P.Q. 8+050.CONCELLO DE MEIS”.*

*A actuación consiste nunha mellora da mobilidade peonil no treito da estrada, creando un itinerario peonil mediante a construción dunha senda peonil de formigón coloreado, de ancho mínimo 2,50 metros e ao mesmo nivel da calzada, na marxe esquerda da estrada provincial EP-8004 (Paradela), entre os PP.QQ. 7+650 e 8+050. Contéplase ademais das obras de pavimentación da senda, a execución do sistema de drenaxe de augas pluviais. Disporanse ademais elementos de alumeado público e inclúese a maiores a renovación da sinalización no treito de actuación.*

*VII.- Con fundamento en canto queda exposto, e sendo patente a vontade de colaboración das entidades comparecentes, ámbalas dúas partes acordan a subscrición do presente convenio, consonte ás seguintes:*

## CLÁUSULAS

### *Primeira.- Obxecto*

*O obxecto do presente convenio é establecer as condicións que rexerán a colaboración entre a Deputación de Pontevedra e o Concello de Meis para a execución do proxecto de obras de “MELLORA DA MOBILIDADE PEONIL NA EP – 8004 CALDAS –VILANOVIÑA, DO P.Q. 7+650 AO P.Q. 8+050.CONCELLO DE MEIS.*

*O obxecto principal do proxecto consiste na mellora da mobilidade peonil no treito da estrada, creando un itinerario peonil mediante a construción dunha senda peonil, de ancho mínimo 2,50 metros na marxe esquerda da estrada provincial EP-8004, entre os PP.QQ. 7+650 e 8+050. Contéplase ademais das obras de pavimentación da senda, a execución do sistema de drenaxe de augas pluviais. Disporanse ademais elementos de alumeado público e inclúese a maiores a renovación da sinalización no treito de actuación.*

### *Segunda.- Importe do convenio.*

*O importe o que se refire a presente actuación ascende a cento sesenta e catro mil novecentos vinte euros con quince céntimos (164.920,15 €), máis trinta e catro mil seiscentos trinta e tres euros con vinte e tres céntimos (34.633,23 €) en concepto de IVE, o que ascende a un orzamento total de cento noventa e nove mil cincocentos cincuenta e tres euros con trinta e oito céntimos (199.553,38 €).*



*Terceira.- Financiamento.*

*As obras serán financiados pola Deputación de Pontevedra e Concello de Meis mediante a achega das cantidades relacionadas de seguido:*

| <i>Organismo</i>                | <i>Achega</i>       | <i>%</i>   |
|---------------------------------|---------------------|------------|
| <i>Deputación de Pontevedra</i> | <i>159.642,70 €</i> | <i>80</i>  |
| <i>Concello de Meis</i>         | <i>39.910,68 €</i>  | <i>20</i>  |
| <b>TOTAL INVESTIMENTO</b>       | <b>199.553,38 €</b> | <b>100</b> |

*A Deputación financiará a súa achega con cargo á aplicación 23/456.4530.612.02 do vixente Orzamento Provincial do ano 2023.*

*A achega do Concello de Meis será de 39.910,68 € (20%) do importe das obras, pola que se xerará crédito na correspondente aplicación orzamentaria, financiarase con cargo a subvención do Plan Concellos 2023. O importe do financiamento con cargo a esta subvención está condicionado á aprobación do plan pola Deputación e por contía suficiente correspondente ao Concello de Meis.*

*Estas operacións deberán efectuarse, unha vez aprobado o Convenio, e antes de aprobar o expediente de contratación correspondente, debendo acreditarse naquel a plena dispoñibilidade de todas as achegas, tendo en conta o disposto no artigo 116.5 da LCSP.*

*De conformidade co disposto no artigo 116.5 da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (en diante, LCSP), unha vez aprobado o Convenio, e antes de aprobar o expediente de contratación correspondente, acreditarase a plena dispoñibilidade de todas as achegas que financian o investimento.*

*Os demais gastos derivados da actuación obxecto do presente convenio, tales como redacción do proxecto e os contratos de servizo accesorios para a dirección control e seguimento da execución de obras, recuamento de servizos ou o control arqueolóxico da mesma, serán financiados pola Deputación de Pontevedra.*

*Cuarta.- Incidencias no desenvolvemento da obra.*

*Calquera incidencia que poida xurdir no desenvolvemento das obras e se produza un incremento do custo por excesos de medición, revisión de prezos ou por causas imprevistas que obriguen a unha modificación do proxecto, será financiada de conformidade cos coeficientes dispostos na cláusula terceira. No caso de producirse unha diminución, sempre que a achega do Concello sexa con cargo a fondos propios, será devolta a cantidade sobrante.*

*Quinta.- Obrigas do Concello.*

*O Concello de Meis obrígase a:*

- 1) Obter as correspondentes licenzas e tramitar ante outros organismos as autorizacións pertinentes que fosen precisas.*



- 2) *Levar a cabo a conservación e mantemento das zonas peonís obxecto de convenio, así coma dos servizos de carácter municipal que se executen (alumeado público, etc.), logo da comunicación da Deputación de Pontevedra de finalización das obras.*
- 3) *Antes da sinatura do presente convenio, o Concello deberá achegar á Deputación de Pontevedra o compromiso do acordo adoptado polo órgano que legalmente teña atribuída a competencia conforme á lexislación propia do réxime local, á que fai referencia o apartado 2.*
- 4) *Darlle a adecuada publicidade a este convenio, de tal xeito que quede constancia que a remodelación da infraestrutura se levou a cabo en colaboración coa Deputación de Pontevedra.*

*Sexta.- Obrigas da Deputación Provincial de Pontevedra.*

- 1) *Correspóndelle a redacción do proxecto técnico para a execución das obras de “MELLORA DA MOBILIDADE PEONIL NA EP – 8004 CALDAS –VILANOVIÑA, DO P.Q. 7+650 AO P.Q. 8+050.CONCELLO DE MEIS”, así como a licitación, dirección, execución e recepción das obras.*
- 2) *Unha vez producido o acto formal de recepción das obras pola Deputación de Pontevedra, esta porao en coñecemento do Concello, entendéndose que tal comunicación determina o momento da obriga asumida polo Concello na cláusula quinta 2) precedente, sen prexuízo das responsabilidades que correspondan ao contratista derivadas do contrato de obras e para esixir o cal, a Deputación de Pontevedra, poderá adoptar todas as medidas que considere necesarias.*
- 3) *Correspóndelle a obriga de remitir a información sobre o presente convenio ao Consello de Contas en aplicación do establecido no artigo 53 da Lei 40/2015, de 1 de outubro, de réxime xurídico do sector público e da súa normativa de desenvolvemento.*

*Sétima.- Compensación de débedas.*

*O Concello de Meis faculta expresamente á Deputación para reter e compensar con cargo ás cantidades que lle poidan corresponder toda clase de débedas vencidas e pendentes de pago.*

*Oitava.- Comisión de seguimento e control.*

*Para o seguimento e control do cumprimento do presente convenio , así como para aclarar as dúbidas que suscite a súa interpretación, constitúese unha Comisión de Seguimento da que forman parte a presidenta, o alcalde ou persoas nas quen deleguen, o secretario xeral da Deputación de Pontevedra ou persoa na que delegue e un representante técnico de cada Administración.*

*As súas funcións, entre outras, serán as seguintes:*

*Impulsar e avaliar o cumprimento do presente convenio, proponendo as actuacións que se consideren precisas. Proponer a interpretación, en caso de dúbida, do contido do mesmo.*

*En caso de que xurdiran controversias na aplicación do convenio, proponer ás partes a resolución das mesmas.*

*Esta comisión reunirse dentro do prazo de tres días, a contar dende a petición expresa realizada por calquera das partes.*

*Novena.- Vixencia do convenio*

*O presente convenio entrará en vigor na data da súa firma e terá vixencia ata o remate das obras obxecto do mesmo, en todo caso ata o 31 de decembro de 2024.*



*A vixencia do presente convenio poderá prorrogarse coa conformidade expresa das partes intervinientes. En calquera caso os efectos económicos do convenio entenderanse ata tres meses despois da liquidación do contrato da obra, unha vez rematado o período de garantía das obras. Calquera incremento do custo neste período será financiado de conformidade cos coeficientes dispostos na cláusula terceira do convenio.*

*Décima.- Resolución.*

*Serán causas de resolución o incumprimento das obrigas derivadas deste convenio de conformidade co disposto na normativa vixente.*

*Undécima.- Normativa aplicable.*

*O presente convenio ten natureza administrativa, rexéndose polas cláusulas establecidas e:*

- Lei bases de réxime local, de 2 de abril, reguladora das bases de réxime local*
- Lei 5/97, de 22 de xullo, da Administración Local de Galicia.*
- Lei 40/2015 de 1 de outubro, de réxime xurídico do sector público*
- Bases reguladoras da execución do orzamento da Deputación de Pontevedra para o exercicio 2023.*
- E demais normativa de obrigado cumprimento*

*Asemade, as partes quedan sometidas á Xurisdición Contencioso-Administrativa, a falta de entendemento previo pola comisión citada na cláusula novena, na resolución de posibles controversias que puideran suscitar o incumprimento ou interpretación do convenio.*

*E en proba de canto antecede, as partes que interveñen asinan electronicamente o presente convenio.*

